



## **Boletin number 1**

### **Fecha importante den e simannan binidero:**

Djaluna 6 di sèptèmber 2021	Dia di Boneiru (tur mucha ta liber)
-----------------------------	-------------------------------------

### **E aña eskolar nobo**

Nos ke yama bo(so) yu kordialmente bon biní atrobe na nos skol riba djaluna 23 di ougùstùs próksimo. Nos ta spera ku boso famia tabatin un fakansi plasentero. I nos lo bai hasi nos máksimo esfuerso ku tur yùfrou i mener pa brinda bo(so) yu un temporada dushi atrobe aki na skol. Durante di fakansi a fèrf skol kompletu di paden i pafó i el a keda kompletamente limpi atrobe.

Den e aña eskolar nobo akí nos lo keda, por lo pronto, tene kuenta ku e medidanan relashoná ku COVID-19. Na skol nos lo mantené e medidanan di higiena pero nos ta pidi boso komo mayor / tutornan pa pone bon atenshon na posibel kehonan di salú ku e yu por tin. Mira mas aleu den e boletin tambe. Riba nos wèpsait <https://bsdepelikaan.com/> por mira nos agènda anual kaminda tambe tin tur e otro fechanan importante. Den kaso ku por tin mas pregunta òf remarke, no duda pa aserká e maestra di grupo di bo(so) yu.

### **Trese i buska**

Pa motibu di e situashon aktual, a disidí pa mantené tambe e mesun sistema pa trese i buska yu for di skol ku nos tabata tin e aña eskolar pasá. Esaki ta enserá pues ku por trese e yu mainta via di e portanan di emergensia di e klas òf na e porta grandi di entrada. Lèsnan ta kuminsá 7.30 'or pues sòru pa e yu ta na skol promé ku e orario akí. Por buska e yu bèk na e mesun kaminda pa 12.45 'or. Ainda no ta pèrmití pa mayornan ta riba plenchi di skol òf den edifisio sin outorisashon. Pero den e promé siman, mayornan ku yu den grupo 1 / 2 ku 3 por hiba nan yunan te na nan klas. Tambe lo por hiba otro muchanan ku tin hopi tenshon pa e promé dia di skol te na nan klas. Deliberá esaki ku e koleganan ku ta para pa risibí muchanan na e porta grandi di entrada.

### **Medidanan kontra COVID-19**

Na skol nos ta keda tene kuenta ku e medidanan relashoná ku e vírus COVID-19. Durante dianan di skol, lo desinfektá mesanan regularmente, lo sòru pa e muchanan laba man kuidadosamente i lo habri lokalnan mas tantu posibel pa airu sirkulá. Koleganan ku kehonan relashoná ku COVID-19 mester keda kas i laga hasi un tèst. Nos ta pidi boso komo mayornan pa tene kuenta ku e siguiente reglanan.

Muchanan entre 4 t/k 12 aña, no por bini skol, krèsh ni akohida despues di skol ku kehonan anto nan mester keda kas. Esaki ta konta tantu pa kehonan leve (nanishi ku ta kore, fèrkout, nister i doló di garganta) komo pa kehonan severo (hopi tosamentu, kentura i falta di rosea / hanshá). Ku eksepsion di: muchanan ku ta tosa mashá de bes en kuando, esnan ku ta sufri di tosamentu króniko òf ku a eksperensia e vírus Covid-19 resientemente i a rekuperá pero ku ta tosa tòg atrobe.



*Den kaso ku bo(so) tin duda òf pregunta, tuma kontakto ku skol. Na skol nos ta traha ku un protokòl amplio ku a keda kreá den kolaborashon ku e otro skolnan i e departamentu di Salubridat Públiko.*

***Kódigo di bistimentu***

*Tur alumno mester bisti e polo koló püs / lila di Pelikaan for di djaluna te ku djaweps pa bini skol. Riba djabièrnè i riba e dia ku bo(so) yu ta hasi aña, ta pèmití pa bisti un paña di eskoho liber (di bo propio eskoho). For di punto di bista di seguridat, e muchanan NO por bisti slòf pa bini skol. Aparte di esaki nos ke hasi un petishon pa muchanan bisti paña adekuá / desente riba e dianan di eskoho liber (nada barika afó ni shòrtnan kòrtiku).*

***Bista riba unda e gruponan lo ta situá e próksimo aña eskolar***

*Komo athunto ta haña e repartishon di klas pa e próksimo aña eskolar.*

*Un saludo kordial,*

*Mieke van Vliet i Gerald Kolenbrander  
Direktiva di bs De Pelikaan*